

## 潮搭新look有公式



广州在不知不觉间进入“乱穿衫”季节，卫衣衬人字拖、衬衫配短裤、短裙搭西装……只要你敢，就可以混住穿！今期Color帮大家搜集到几种混搭公式，保证令你有风度又有温度，出得户外，入得办公室，轻松成为最识搭配配潮人！

饶福/文 Alan.UR官网/图





## 长短拍硬档

广州天气忽冷忽热好魔幻，我哋就用魔法打败魔法！T恤确实百搭，穿着一件短袖似乎又干烘烘，仲觉得稍微差咗啲温度添。叠加长袖打底，唔单止带出造型层次感，起风嘅时候仲凉而不冻啱啱好。黑白基础色打底，可以突出彩色短袖，如果反转搭配，鲜艳嘅打底衫就会成为你造型嘅最大亮点啦。除咗长短T叠穿，冷背心搭配唔同长短嘅内搭，都可以有唔一样嘅感觉。同色系长袖令造型简约干净，搭短袖就清爽轻松。大家可以根据自己嘅体感接受，下身搭配有设计感嘅渐变色长裤，或者宽松简单嘅短裤都ok，长长短短互补互助，混出最适合广州潮人嘅穿搭！



## 老西新主意

西装向来走斯文老派路线，但好多后生仔惊自己唔够绅士hold唔住。Oversized嘅西装可以运用“三文治模版”嚟搭配，打底同西装同色，中间用“无彩色系”做过渡，有层次得啱啱会太花喇；如果想活力啲，深色老西就要搭亮眼少少嘅衬衫，有啲条纹图案都几唔错。冇人规定西装一定要衬西裤嘅，试下衬阔同内搭一样色系嘅工装裤，成个造型即时醒神啱啱；穿牛仔褲就更加休闲，老爹鞋、板鞋随意搭，拍拖开会兄弟，咩场合都啱key。老味西装撞一撞，即刻新鲜感满满。



## 工装不low法

多袋工装马甲搭唔好就似钓鱼look，冲锋衣唔小心仲会穿成外卖哥添，用啲撞色单品或者同色配件去混搭，可以提升佢嘅时尚感，就唔惊工业风显low啦。工装马甲可以选有拼接属性的款式，重磅厚实啲面料更能修饰肩部线条，里面搭配纯色卫衣就点都唔会出错，最后戴翻顶暗色渔夫帽，即刻街头酷boy嘅感觉出晒。白色冲锋衣可以试下同撞色短裤，一秒变身近排好hit嘅“山系男孩”，无论户外放飞or上落班通勤，都有挡风又透气双重优势，再花啲心思照顾鞋袜等小细节，最潮工业style就get到晒。咪以为工装boy style only啊，女仔用风衣搭工装裙，运动得啱仲有俏皮感，怕凉可以衬翻对长筒袜仔，拉长腿部线条，工装腿全部get。



《我的世界》火把灯



## 实用王道

当下嘅ACG玩家都好理性，既要啱心水又要够实用，唔会随便为“花瓶”产品而买单。游戏《明日方舟》就推出与游戏同款道具——“源石”形状嘅天气预报机，根据大气压力嘅变化，里面会呈现出唔同嘅结晶和浑浊状态。佢可以作为一个小型“天气预报”，放喺屋企开灯睇enjoy游戏科幻感，嘅办公区域播放又“装”出新境界。而近段时间好HIT嘅像素风灯具，亦係来自游戏《我的世界》嘅火把灯，MC玩家中意到爱不释手，插喺房间一角，一觉醒醒仲以为穿越到二次元世界添。后面仲相继推出咗游戏里面高人气嘅宝石灯和武器灯……游戏《阴阳师》都唔执输，趁势推出老网红“茨球”CP做坐垫，软糯肥美嘅Q版冰垫，简直萌到丧尽天良，大朋友嘅PAT PAT就交佢俾咗来呵护啦。

《阴阳师》茨球坐垫



《原神》浮游水幕兽留影泡泡机



平时中意玩GAME同睇动漫嘅宅友们，都会买上一两件心仪嘅ACG周边设计产品，体验下二次元世界奔现嘅快乐。今期可乐君就搜罗咗一啲可爱又实用嘅物件，你会越睇越中意，愉快地游走在二次元同现实世界中。不过要同你提前预警，这些周边不便宜，小心荷包打冷震！

秦丽莹/文  
品牌官网等综合整理/图

## 二次元世界奔现而来

## SHOW出本尊

ACG玩家都几宅，除咗要产品够实用，仲要设计翻贴合呢个角色的神态与性格，实在难度爆表啊！“初音未来”算係ACG界嘅大姐大，发行的设计都有几百款了，每年总会有一两款设计令佢名气“回温”，杀回动漫界。可爱傻笑的MIKU包包顶喺身上，透明“大嘴”可以塞入角色卡和徽章，带去漫展咸下心情都会被佢嘅气氛感染。仲有新出嘅反光长柄雨伞，雨水落喺上面立显金属质感。而POI子和PIPI美呢两个鬼畜抽纸盒放喺饭桌上，表情就完美复刻咗佢俩“猥琐”的性格。中意《猫和老鼠》的大小朋友们，肯定唔会放过呢个圆滚滚的杰瑞抱枕，鼠鼠又可可爱的小表情，翻喺上面就可以释放心中的压力。

雪未来：超开心荷包



GOOD SMILE MOMENT X《pop子和pipi美的日常》抽纸盒



初音未来：反光长柄雨伞



《猫和老鼠》杰瑞抱枕



## 鬼马魔性

童年挚爱嘅《超级马里奥》都加入咗“抢钱”计划，同Paladone公司玩联名推出嘅方块组合夜灯，可以把方块灯自由组合，临睡前可以摆返几铺游戏过下手瘾。除此之外，其他公司仲出咗“食人花”拖鞋，翻到屋企穿上拖鞋，好似一秒穿越到马里奥的世界，商家仲贴心地用花筒做收纳设计，仿真程度更高。互联网上劲热的粉红兔子表情包，前段时间就同《恋与制作人》魔性联名出贴纸，而佢本体嘅设计亦都好受网友欢迎，兔子蜡烛得意之余夹咗几分“猥琐”的感觉，唔少网友冲着魔性呢点去购买，全身都係表情包同款，“中二”气息爆棚，古怪怪最可爱。

Paladone《超级马里奥》方块组合夜灯



《超级马里奥》食人花拖鞋

《恋与制作人》X MyFriend 贴纸



粉红兔子：全身

